

54899  
27339/P  
D. ALBERTVS HALLER  
MED. ANAT. BOT. ET CHIR. P. P. O.  
SEMESTRIS HYBERNI  
ANATOMEN PRIMAM  
IN  
CADAVERE PVELLAE  
AVDITORIBVS SVIS INDICIT  
DIE XXI. OCTOBR. MDCCXXXVII.  
NVPERAS SIMVL OBSERVATIONES  
DE  
VALVULA EVSTACHII  
COMMVNICAT.



---

GOTTINGAE,  
APVD ABRAM VANDENHOECK, ACAD. TYPOGR.





# LECTORI SALVTEM AVCTOR.

**C**um primum hasce scholas conscriberem, singularia destinabam, quod vocant, Programmata, quibus ad corporum humanorum dissectiones invitarem eos omnes qui ea structura delectantur, quae pulcherrima certe est. Verum cum numerus cadaverum Munificentissima Providentia Curatorum in dies augeretur, coactus sum decedere de ea via, qui minime sufficebam quotidianis fere occasionibus. Quare visum est opportunius, ut Disputationes quasdam ederem, absque ordine, absque stato tempore, prout dies aliqui vacui essent, & concederent, ut scripta aliorum consulerem. In iis obscuriores quasdam atque controversas corporis humani particulas describendas mihi sumsi, quas in ea frequentia observationum, sedulo magis atque repetito examinassem, vel quae alioquin peculiariora aliqua & minus nota habere visae essent. In quo studio tam diu versari animus est dum tempus & Vires supererunt. Inservient certe & mihi, & auditoribus, ut praecipuas Observationes curiosius conservemus, quae alioquin facile memoria excidunt, forte & aliis anatomicarum rerum studiosis. Gottingae Die XV. Januar. MDCC XXXVIII.

## §. I.

**S**apiente Consilio eorum quibus Academiae nostrae cura mandata est, non solum sceleratorum hominum qui intra sex miliarium Germanicorum ab urbe nostra distantiam supplicio adficiuntur devota cadauera absque nostro sumtu deferuntur in Theatrum Anatomicum, verum & egenorum corpora publico aere redempta dissectionibus nostris subjiciuntur. Quibus mediis effectum est, ut intra Germaniae ambitum vix aliam scholam existimemus superesse, ubi copia atque obportunitas ad observationes anatomicas major sit.

## §. II.

In corporibus tredecim, praeter alia ad hanc brevitate nimis ampla, inprimis cum magna animi attentione conspeximus Valvulam, quam in communi Venarum Cavarum trunco primus demonstravit EVSTACHIVS. Ejus historiam passim nostro aevo in lucem restitutam ex nostris etiam, repetitis certe observationibus utcunque faciliorem reddere conamur. Icon enim hucusque nulla prostat quae in omnibus sit laudabilis, descriptiones ipsae aliquid obscuritatis reliquum videntur habere.

## §. III.

Inventor extra omne dubium(a) est EVSTACHIVS (b) Coaevorum nemo ad verba ejus iconemve respexit.

A 2

BAV-

a) Voces SYLVII in *Isag. Anat. L. I. c. IV. p. 22. b.* (edit. 1560.) huc solent trahi: loquitur autem de membranea Epiphyfi, in trunco venae Cavae ex hepate profiliente. Verum non satis definitae sunt.

b) In scripto incomparabili de *Vena sine pari*, *antigramm XI.* ubi descriptio eximia: deinde in explicatione T. VIII. f. 6.



BAVHINVS(c) & voces ejus reddidit, & figuram. Observata est porro, vel nominata saltem, GVIFFARTO, (d) ACADEMICIS PARISINIS, (e) COWPERO, (f) DOUGLASSIO, (g) LANCISIO, (h) DUVERNEYO, (i) WINSLOWO, (k) post  
A 3
WINS-

- c) *Theat. Anat. L. II c. 22. p. 227.*
- d) *Epist. de Chyli notitia ejusque vasis apud BARTHOLINVM spicil. II de vas. Lymph. cap. III. p. 484. & Epist. SEGERI ad BARTHOL. quae est in huius Centur. III. ordine IX. p. 45. Meminit enim nobilis Valvulae in trunco adscendente Venae Cavae, juxta exortum Venae Coronariae, quae inpediat, ne sanguinis per Venam Cavam adscendentis, & Chyli descendentis fiat confusio. Ea vero verba ad nostram Valvulam aptius referuntur quam ad Valvulam Venae Coronariae cui adscripta sunt a BARTHOLINO, in resp. ad SEGER Cent. III. Ep. X. p. 49. Haec enim Valvula Chyli & Sanguinis confusionem inpedire non potest; Vox etiam nobilis Eustachianae magis videtur propria.*
- e) *In Anatome Castoris Paris 1668. 4to. p. 68. & Amst. 1736 p. 144. quam & ipsi nobilem vocant, & totum truncum Venae Cavae dicunt occupare inpedituram ne sanguis ad hepar relabatur.*
- f) *In posthumo opere Myotomiae ed. 1724. ad T. XXXVII. COWPERVS enim cum mortuus sit ante annum 1711. extra omne dubium valvulam ante WINSLOWVM depinxit atque descripsit.*
- g) *Apud CHESELDEN Anat. of hum. bod. ed. 1713.*
- h) *Et iste ante WINSLOWVM valvulam nominavit, usum adscripsit, in Brutis etiam quaesivit, vide explic. Tabulae EUSTACH. XVI. f. 3. scriptam anno 1714. & Dissert. de Vena Azyga anni 1716.*
- i) *Optimus senex, octodecim praeparationes (ut vocant) huius valvulae ostendit WINSLOWO, quas ob magnam aetatem vix videtur parasse post annum 1717. Mirum tamen videri potest in tota lite, quae inter ipsum atque MERYVM de circulatione sanguinis in foetu agitata est, nunquam hanc Valvulam aut nominatam, aut depictam fuisse.*
- k) *Descriptionem accuratam usumque ex foetu dedit, in Comm. Acad.*

WINSLOWI uberiores descriptionem NICOLAO, (l) KVLMO, (m) GARENGETIO, (n) HEISTERO, (o) WALTHERO, (p) TREWIO, (q) LEISNERO, (r) multis sine dubio praeterea Professoribus saeculi nostri. Icon prima EVSTACHII, (s) sed brevis & in situ obscuro: Duae nitidae figurae sunt COWPERI (t) sed extra naturalem locum dimotae. Pulchrior LANCISII, (u) obscura DOUGLASSII, (x) Non mala GARENGETI, (y) Multae  
ni-

*Acad. Reg.* 1717. sententiam vero correxit ad observationes DUVERNEYI, l. c. 1725. Post eius autem laborem primum cepit in vulgus innotescere.

- l) *Diff. Inaug. de Directione Vasorum*; Testatur ibi se bis eam in limbo inferiori foraminis ovalis vidisse. Quam vero subiungit, secundam quasi Valvulam ab Eustachio depictam, atque ad vituli formam depictam conjicit, ea Valvula Venae Coronariae est.
- m) *Tab. Anat.* XVII. p. 13.
- n) *Splanchnologie* p. 372. p. 407.
- o) *Compend. Anat.* ed. 1732. ll. p. 129. 130. 131. in not. 69. \*
- p) *Progr.* ed. 1729. apud LEISSNERVM. Breve sed limatum scriptum videre mihi non contingit.
- q) Multa pulchra de hac Valvula *Dissert. de Differ. inter nat. & non nat.* p. 45. seqq. p. 76. § 6.
- r) *Dissert. Inaug. de Valvula Venae Cavae Eustachiana* Witteb. 1737. Bis eam in adulto vidit.
- s) Fig. 6. *Tab. VIII.* & f. 3. T. XVI. quae non differunt, nisi quod illa umbris quibusdam quasi perficiatur. Exiguam depinxit, vix maiorem vestigio foraminis ovalis, absque cauda ad auris limitem producta.
- t) T. XXXVII. f. 2. 3. Cauda illa quae sequitur auriculae terminos, ita detrahitur, ut videatur ad perpendiculum descendere, neque cum auricula cohaerere.
- u) *De motu Cord.* p. 56. T. V: Positio aliquantum a naturali recedit, Auctore monente. Plerisque praestat.
- x) Non nisi plicam exprimere dicitur, CHES. l. c. T. IX.
- y) Ad p. 377. T. XIV. F. situs transversus, nexus cum auricula, bene conservantur. Non reticulata est.



nitidaeque TREWII, (z) sed quae non huic tamen parti primario destinatae sunt.

#### §. IV.

*Valvula Eustachiana Venae Cavae* est membranea appendix lunata, eminens ex sinisteriori sede sinus dextri, qua parte auricula Venae Cavae inferiori continuatur. Sinum dicimus, (a) eam omnem expansionem quae dexterius posteriusquae finitur continua membrana, sinisterius autem patulo ore, anterieus quidem in aurem, posterius in Ventriculum aperitur: ex ea sursum Vena Cava superior, deorsum Vena Cava inferior continua procedit. In hoc ergo sinu, Valvula oritur, (b) inter vestigium foraminis ovalis, (c) atque ostium Venae Coronariae maximae, (d) paulo inferius, quam media sedes vestigii, sinisterius autem atque superius quam Vena Coronaria, proxime terminum (e) maxime

z) l. c. fig. 8. 11. 12. 20. 28. 36. 37. 40. 41. 58. 60.

a) EVSTACH. in initio descriptionis p. 267. conf. Icones.

b) Finiri vocat EVSTACHIVS. Confer COWPER *Myotom* 1724. T. XXXVII. f. 2. LANCIS. de *motu Cordis* T. V. ad p. 56. ad i quod superius est, TREW de *differ. inter natum & non natum* f. 20. ad h.

e) Limbi nempe vel Isthmi VIEVSSENIANI columnam sinistram.

d) Ter unicam valvulam post nuperam *Diff. de Cordis Vasis* vidimus, semilunarem magnamque, Venas Anonymas eodem modo, Venam dextram bis, Venam anteriorem GALENI semel in 20 cordibus humanis.

e) LANCIS. ic. cit.

me posteriorem auris, (f) dextrae. Proce-  
dit inde per  
limitem (g) auriculae ubi sinui nectetur, sinistror-  
sum, deinde antrorsum, in semicirculum, donec e re-  
gione pene suae originis posterioris in anteriore se-  
de (h) limitis ejusdem auris terminetur, sensim adte-  
nuata, emensa totam auriculae radicem. Figura in  
genere est lunulae, cujus exterior ambitus major semi-  
circulo aequalis est, interior sive liber, est arcus circu-  
li minoris. Latissima est in medio, ad priora sensim  
extenuatur. Alias membrana fit, quali sinus est, tensa  
atque valente; (k) Alias, & ad posteriorem termi-  
num

- f) Aures vocamus sensu BOERHAAVIANO sacculum coecum pecti-  
natum, quem validae fibrae efficiunt super membranam expan-  
sae: vide *Inst. rei Med.* §. 148. Totum autem cordis vestibulum  
Aures nominant plerique atque ipse WINSLOW *Expos. Anat.*  
*Tr. de la Poitr.*
- g) Vide Iconem LANCISII ubi aliquanto breuior esse videtur: con-  
fer & iconem GARENGEOTI, reliquae enim situm non ex-  
primunt.
- h) Oriri dicit EVSTACHIUS ex parte qua Vena Cava Sternum contin-  
git. Conf. WINSLOW descr. *Mem. de l' Acad.* 1717. TREW l. c.  
p. 76. no. 6. ubi inferi eam dicit parti exteriori Venae Cavae in-  
ferioris.
- i) prope originem. v. Icon. LANCIS. Origo ipsa paulo angustior.
- k) Idque omnino saepius. Ita ut posterius tensa magis firmiorque  
sit, atque huic robusto arcui, quasi tenue innatum addi-  
tamentum adcedat. In viginti enim observationibus  
bis omnino reticularem vidi. Confer icones COWPERI T.  
XXXVII. f. 2. GARENGEOTI. l. c. T. XIV. Plerumque  
aut perpetuo hanc ejus structuram esse WALTHER *Progr.*  
TREW in omnibus iconibus & p. 54. Saepe id sibi obtigisse WI-  
NSLOW. *Mem. de l' Acad.* 1717. p. 279. & aliquando sibi EV-  
STACHIUS. NICOLAUS reticularem fabricam pro praeternatu-  
rali habet COMM. LIT. 1732. hebdomada 33. p. 260. Quando vero  
tali reticulo caret, estque tota angustior, plicae similis, oculos



num (l) maxime, reticulata est tota, Fibris vel in liberas areas implicitis, vel super tenerrimam Membranam expansis atque intertextis, ita ut deleta tenui Membrana, nudae areae supersint. In uniuersum horizonti parallela est, (m) atque cum aure concavitatem intercipit, versus Venam Cavam iam inferiorem convexa (n) Ad est plerumque aut semper, etiam in adultis (o)

B

§. V.

los anatomicorum ita fugit, ut negata fuerit de indutria a CAT-  
TIERIO *Obs.* p. 71. apud BARTHOLIN. *Epist.* X. Cent. III.  
p. 49. CROESERO *Diss. de sanguinis in foetu circulo* §. XI, AL-  
BRECHIO nostro *Paraen. ad disc. & doc.* Aliis auctoribus raro  
visa (NICOL. de *vas. direct.* §. XIV.) & in adultis nunquam  
WINSL. *Mem. de l' Acad.* 1717. ab innumeris autem praeter-  
missa.

- l) Notante EVSTACHIO, qui reticularem pingit, sequente BAV-  
HINO *Theatr. app.* T. VIII. f. 1. Eandem structuram dedit  
COWPER l. c. f. 3. & LANCISIUS.
- m) EVST. l. c. GARENGEOT. l. c. pleraeque aliae figurae descen-  
dentem pingunt, situs ratione turbata, uti COWPERI, LAN-  
CISIQUE.
- n) Quoties deficere videtur, deesse conjicio plexum reticularem,  
quae jam sententia fuit EVSTACHII.
- o) WINSLOWVS decrementum hoc in Glandulis, vasisque adeo  
familiare proposuit in hac etiam Valvula. *Mem. de l' Acad.*  
1717. sed post plures ex adultis corporibus praeparationes visas  
apud DVVERNEYVM sententiam mutavit *Mem.* 1725. Superes  
se etiam deleta foramine ovali TREW p. 54. Ex octuagenario  
depinxit COWPER Ipse prae oculis habeo cadaver aliud quadra-  
genarii, aliud feminae quae trigessimum annum superaverat,  
aliud octogenariae. Latior tamen in foetu esse vel ex TRE-  
WII iconibus conjicio, ubi in uniuersum admodum lata depingi-  
tur. Diameter in adulto visa alias trium linearum, aut in-  
fra eam mensuram, alias ad semiunciam usque,  
ad ortum auriculae. Apud scriptores, reperio peran-  
gustam visam EVSTACHIO, delineatam COWPERO f. 2. per-  
angustam quoties plexus reticularis deficit WINSL. l. c. p. 279.  
ali-

## §. V.

Administratio facilis est. Aperta facie Venae Cavae non adeo posteriori, (a) quam potius (b) exteriori, a Diaphragmate adusque adhaesionem Pericardii, ea in sede ubi continuus canalis est Venae Cavae superioris cum inferiori, nihil quod agas superest. Ea enim sceandi ratione Valvula cum suo ad Aures nexu tota conseruatur, (c) seque sustinet.

## §. VI.

Aliqua sine dubio est utilitas elegantis hujus fabricae; sed eam nondum penitus intelligimus. (a) Quoties tensa est, validaque membrana fit, auget omnino marginem auris, hujusque cavum facit profundius, (b) ut quoties contrahitur auris sanguis coërcitus emi.

alias unam tertiam partem orificii Venae Cavae replevisse WINSLOW. ex observatioibus DUVERNEYI, WALTHER vero in *Progr.* Dimidiam partem ostii aequasse, idem WINSLOW in aliis corporibus, idem GARENGEOT. p. 407. In universum latior est, quoties adest reticularis fabrica, quando ea deest, angustior, confer. figura COWPERI. & WINSLOW. *Mem. de l'Acad.* 1717.

- a) Uti monet WINSLOWUS, qui omisam a plurimis existimat, quod dissecta facie anteriori Venae Cavae ab anatomicis media separetur.
- b) Ut isthmus integer maneat, qui facile violatur si sectio nimis fiat propinqua Cordi.
- c) Neque placet consilium LANCISII ut auris atque Ventriculus dexter aperiantur. Sic enim ex situ transverso delabatur Valvula, multumque de ejus latitudine atque longitudine perit.
- a) Ea mens est WINSLOWI *Mem. de l'Acad.* 1725.
- b) Huc redit id officium quod in foetu adsignat ipsi WINSLOW *Mem.* 1717. ne sanguis ex foramine ovali (ex MERYANA sen-

ten-



minente labro, repellatur ab ostio venae Cavae inferioris, determinetur intra Cor laxum, apertumque. Poterit praeterea utcunque sustinere parte sua dexteriori, anteriori, (c) sanguinem Venae Cavae superioris ne gravitet in sanguinem Venae Cavae inferioris (d), cessura eadem sanguini per Venam Cavam inferiorem adscendenti, & parieti adhaesura obsequiosa. Quando reticulata est, debilis aliquando, (e) fenestrata semper, vix videtur efficaciter alterutro munere defunctura, tuncque omnino obscura videtur ejus utilitas.

## §. VII.

Supereſt, ut Valvulam descriptam haecenus distinguamus ab iis membranis cum quibus ejus historia mixta fuit. Atque ab *Isthmo* quidem VIEVSSENI facile discernitur. Est enim Isthmus iste, (a) tumens semicir-

B 2

cu-

tentia) profluens atque ex Vena Coronaria, relabatur in Venam Cavam descendentem. Eadem sententia est TREWII l. c. p. 55. 66. Eam & suam fecit LEISSNER p. 19. Et sine dubio hic usus potior est.

c) Sinistra enim superius positam aurem habet.

d) Antiqua haec est sententia GVIFFARTI, PERALTI, LANCISII, GARENGEOTI, quam priori conjungit TREW p. 55,

e) Ut facillime huc illucve impulsam cedat, fatente EVSTACHIO. Debilis quomodo sustinebit columnam sanguinis, Perforata, quomodo continebit?

a) *Carnea Valvula Venae Cavae* VIEVSS. *de remot. & prox. princ.* c. V. p. 128. 129. T. VI. lit. c. ita descripta est, atque depicta, ut pene pro Valvula EVSTACHII nobis inposuisset, nisi eandem *Isthmi* nomine idem scriptor tradidisset in recentiore opere *du Coeur*. Ibi enim arcuatum ejus ductum, habitum ad sedem foraminis ovalis ita describit c. VIII. p.

culus, (b) plusquam dimidio, eique superiori ambitui vestigii ovalis ita circumductus, ut duas columnas, (c) fornice arcuato junctas imitetur. Carneis, (d) fibris farcitur, ad angulum inclinatur atque ita eminet a vestigio ovali, ut stylus libere inter hujus membranam Isthmumque agitari queat. Verum Valvula EVSTACHII, tota a foraminis ovalis sede distat sinistrorsum deorsum, (e) membranacea est, atque auris limiti circumducta concavam superficiem fursum aperit, (f) cum Isthmus deorsum versus foramen ovale interval- lum intercipiat, convexum supercilium Venae Cavae superiori obvertat.

## §. VIII.

---

37. & depingit T. II. f. 1. lit. 1. T. IV. f. 1. g. g. g. ut facile a Valvula separetur. Caeterum utilitatem non aliam adscribit, quod nempe sanguinem descendentem inhibeat, ne incumbat in ascendentem.

b) conf. VIEVSS. *du Cœur*. l. c. T. I. l. I.

c) *Piliers* vocat ROYHAULT apud WINSLOW *Mem. de l' Acad. des scienc.* p. 1725. Videri possit alicui, WINSLOWVM eadem cornua eo loco tribuere Isthmo quae Valvulae Eastacpii adscripserat *Mem. de l'an.* 1717.

d) MERY *de la circ. du sang dans le foet* p. 31. 39. Latitudinem Isthmi facit quatuor aut quinque linearum, Crassitiem nonnisi dimidia. Latitudo nobis fere minor visa est. Verum per aetatem inminuitur, atque in senio fere evanescit.

e) Conf. Icones LANCISII, COWPERI.

f) Quae ex nota satis adparet, optimum ALBRECHTVM Isthmum vidisse cum vicino reticulo Valvulae. Isthmum enim designat convexitas superiora spectans, vicinum rete fibra bifurcata quam subjungit. Acerbe adceptus est a nonnullis, qui tribuere aliquid potuerant imminenti morti, quae paucos post dies *Paraenesin* decessoris nostri secuta est, omnemque scriptores consulendi, poliendaeque observationis facultatem ademit.



§. VIII.

*Tuberculum* LOWERI pro imitamento aliquo hujus Valvulae habuit LANCISIUS (a). Verum omnino differre videtur: Et diu quidem quae sit ea particula dubii fuimus, quam multi, & periti scriptores proposuerunt, peritiores alii negant, nos ipsi nunquam deprehendere potuimus. Descripserat LOWERUS (b) Venam Cavam supe-

---

a) de *Vena Azyg.* ad EVST. T. XVI. f. 3. de *Motu Cord. Prop.* XXXVI

b) ante LOWERVM HIGHMORVS strigam aliquam Valvulae similem dixerat reperiri subinde in confluxu Venae Cavae utriusque, addiderat eam dirigere sanguinem ad Cordis Auriculam *Disquis. Anat.* L. II. P. II. p. 131. T. XII. f. III, quae perobscura est. Deinde optimus LOWERUS ita describit eminentiam duobus trunci Venae Cavae interpositam, & ita ex hominis corpore depingit ut quid demum viderit, dubitarem. Cor enim in situ quem absque vi occupat, lineam quae ab insertione Venae sine Pari ad Diaphragma ducitur, ita rectam habet, ut nisi vi quadam introrsum trahatur, angulum vel nullum intercipiat, vel extrorsum eminentem. Neque video quare factum sit, ut asserat, majus esse in homine, atque digitum alteri venae Cavae inmissum, vix pervenire in alteram. Sed & icon T. I. f. 1. & ab EVSTACHIANIS verissimis T. XVI. f. & a natura recedit. Quantumcumque autem nobis videamur hanc rem certo intelligere, infiniti tamen Anatomici tuberculum hoc in scripta sua retulerunt; VERHEYEN T. XX. f. XI. & L. II. T. VII. f. 4. paulo equidem modestius, RIDLEY *observ. Med. Praet.* passim, CHESELDEN *anat. of. hum. body* p. 193. WOOD *Mechan. essay upon the heart* p. 10. T. I. f. 2. NICOLAI de *direct Vaser* §. XIII: (nisi is ad Isthmum respiciat, quando tuberculum in homine potius carneum esse indicat) SCHVLZ *Comm. Lit.* 1731. *spec. V.* p. 33. CROESER de *circ. Sang. &c.* Errorem primus redarguit, ut alios innumeros, MORGAGNI *Adv. Anat.* V. *Anim.* XV. Veriorem etiam sententiam post HEISTERVM *Comp. Anat.* 1732. II. not. 42. p. 92. tuetur GLASS. §. 22. p. 34-36.

superiorem, cum inferiori ad angulum, eumque pene rectum confluere; in eo angulo locari eminens corpusculum adipe fartum quod obstaculo sit ne sanguis per Venam Cavam superiorem descendens, incumbat illi qui per inferiorem adscendit, sitque impedimento illius motui intra Cordis caveam. Verum nulla hujus tuberculi videbatur in homine necessitas (c) nulla demum sedes (d) quae talem particulam reciperet. Tandem ex RIDLEYO (e) didicimus, non aliud esse hoc tuberculum ab Isthmo VIEVSSENI modo descripto.

### §. IX.

Tandem ipse conqueritur EVSTACHIUS (a), Valvulam suam mistam fuisse cum ea Membrana quam aliqui in ostio Venae sine parie descripserunt. Eam observarunt CANNANUS (b), AMATVS (c), HOLLERIUS (d), RIOLANUS (e),  
neque

c) neque in ipsis brutis. Quoties enim Venae Cavae ad angulum conjunguntur, non incumbit utique superior inferiori, nisi admodum oblique, atque in ea directione, quae omnem ejus sanguinem ad dextrum Cor deducat.

d) Demonstrat id VESAL. additque figuram fictitiam Venarum Cavarum ad angulum convenientium L. III. p. 275. Edit. 1543.

e) Edit. ult. p. 150. ubi foramen ovale citra hoc tuberculum situm esse asserit, p. 182. ubi ad ejus conclusionem conferre, p. 184. ubi dehiscenciam quamdam inter marginem superiorem tuberculi ac Valvulam foraminis ovali aliquando reperiri monet. Quo sensu verissime dicere potuit p. 17. nunquam in Corpore humano Tuberculum hoc deesse. Icon equidem LOWERI huic RIDLEYANAE explicationi repugnat, plerosque tamen scriptores hoc Isthmo viso tuberculum sibi visum putasse, vel ad fidem eorum suspicione liberandam existimo.

a) Antigram XI. p. 267. Ed. 1707. homines qui proprio sumtu exploratores alant inventa sua intercepturos, inepte conmutatis rebus Valvulam suam adscripsisse Venae sine parie.

b) Provocat ad eum AMATVS. Neque videtur delusisse Lusitanum,



neque admodum diversam fabricam tradit post VESALIVM(f) LANCISIVS(g). Nobis(h) praeter plicam, quae ex necessitate quadam mechanica ad originem ramorum(i)fere ubique in vasis oritur, nihil Valvulae simile visum est. Vti neque EVSTACHIO(k), FALLOPIO(l), CARCANO(m) LAVRENTIO(n)&c. Quod si aliquid habitum Valvulae imitans ibi reperiatur, nimis facile distinguitur ab Eustachii valvula sola sede.

§. X:

num, quae suspicio fuit FALLOPII, VESALIVS enim ab ipso CANNANO & de hac & de aliis venarum valvulis inaudit , (*exam. obs. fallop.*) atque hoc monitore inseruit suae posteriori editioni libri III. *de Corp. hum. Fabr.* c. IX. Ubi etiam refluxum sanguinis per Venas sub quibusdam conditionibus adfirmat,tenue quoddam Circulationis rudimentum.

c) *Curat. Cent. I.* n. 51. duodecim cadavera numerat, in quibus reperta sit.

d) *de morb. int.* L. I. c. 26. p. m. 113. Falsum addit experimentum quod flatus venae sine pari inmissus deorsum equidem, neutiquam vero sursum meet, Repugnat enim & sanguinis in circulum motui, & evidenti oculorum testimonio.

e) unam in ostio, duas in Caudice bis a se demonstratas anno 1628 excitat *Anthropogr.* L. III. c. VIII.

f) qui non valvulam adeo quam crassitiem potius in ostiolo Venae sine pari vidit. *Exam. observ. Fallop.*

g) Valvulas admittit in trunco Venae, ita tamen ut flatus libere eat,atque redeat. (*de Vena azyg. ad MORGAGN.* p. 51. Verum in ostiolo musculus semicircularem describit, qui & proprium nervum habeat, quo ostium possit pro imperio stringi atque laxari.

h) Nuper duos magnos ramos Venae sine pari ostendimus dextrum Venae Cavae, sinistrum emulgenti ad ortum venae spermaticae insertum, flatus vero huc & illuc libere meavit. Hanc insertionem, pene perpetuam, quidam recentiorum pro peculiari observatione adnotaverunt. Conf. EVSTACH in toto admirabili de *Vena sine pari* libello.

i) Tales plicae & in Arteriis adsunt, atque a LOWERO depinguntur in ostio Aortae.

k) *de Vena sine Par. antigr.* p. 267.

l) *observ. Anat.* p. 79. ed. Venet. 1606.

m) *de unione vasorum in foetu.*

n) *Hist. Anat.* Lib. IV. c. VI. *Quaest.* VI.



## §. X.

Observationem subungere visum est, non novae rei, neque satis rarae. Ea enim jam PINAEO (a), VESLINGIO (b), RIOLANO (c), BARTHOLINO (d), MARCHETTO (e), LITTRIO (f), VERHEYENIO (g), SALZMANNO (h), COWPERO (i), CHESELDENIO (k), MORGAGNO (l), NICOLAO (m) TREWIO (n), visa est, ut paucos nominemus ex multis, atque omittamus BOTALLVM (o) & FOLIVM (p) qui pro perpetuo habuerunt. Foramen nempe ovale bis hac hyeme apertum visum est. Sed ita, ut eleganter observationem RIDLEYI (p) confirmaret, quod hiatus, qui foramen ovale dicitur, in foetu ad imam partem valvulae, deinde superius, tandem ad supremam reperiatur. Hiatus enim alias in femina triginta quinque annorum, alias in puero 18 mensium visus, utrobique quasilatuit inter Isthmi marginem superiorem arcumque sinistrum. Atque in priori corpore valvula munitus fuit semilunari, quae in sinu sinistro ostio residui hiatus obducta, impediēbat transitum a sinistro ad dextrum sinum (r). In adulto etiam corpore feminae ductus venosus conspicuo hiatu flatum transmisit.

- 
- a) ter omnino *Praef. ad tract. de not. Virgin.*  
 b) in iis inquit quibus graues obstructions (a polypis) solitas vias obstruunt. *Synt. Anat. p. 89.* Quo refero observationem a BARTHOLINO recensitam, fuit enim VESLINGII & in corpore polypofo.  
 c) Saepius, angusto tamen plerumque hiatu *Anthrop. p. 392.*  
 d) *Hist. Anat. Cent. II. no. XLVI. p. 221.*  
 e) *Compend. Anat. in puero viginti annorum. p. 129.*  
 f) *Hist. de l'Acad. des Scienc. 1700 Obs. XIII. 1701. p. 47.*  
 g) *L. II. Tract. V. c. 20. p. 374.*  
 h) *Diff. inaug. de Vrinator. p. 20. Diff. de sang. in foetu circ. p. 38.* ubi & aliam SCHEIDII observationem adducit.  
 i) *Myotom 1724. T. XXXVII. f. 1. & DRAKE APP. T. 1. f. 7.* imo frequentius contingere, & morborum quorundam infantilium causam esse nimis citam obturationem, *Append. ad Anthrop.*  
 k) *Anat. of. hum. Bod. p. 315* in suspenso.  
 l) bis inprimis memorabili apertura hians vidit ADVERS *Anat. V. Anim. XVII. p. 24.*  
 m) frequentius hyeme 1732 apertum quam quidem clausum obtigisse *Commerc. Lit. Phys. med. 1732. spec. XXXIII. p. 260.*  
 n) *De differ. inter nat. & non nat. p. 94. & T. I. f. 21.*  
 o) *Obs. Anat. III.*  
 p) proprio libello qui nuper recusatus est, *de sanguinis per cor motu &c.*  
 q) *Observ. Med. Pract. p. 180-184. & f. 1-4.*  
 r) non ergo favit haec observatio MERYANO Systemati, uti illa LITTRII *Mem. 1731. l. c.* sed HARVEANO uti MORGAGNIANA: Licet fatendum sit, directionem adeo obliquam esse ut parum sanguinis eam viam meare possit.